

\***È l' Italiye**, à Milan, dès urolodjisses ont trové k' lès coméres ki magnenut voltîye do tchocola ont on mèyeû sèksuèl vikâdje k' lès cines ki s' è privenut. Minme k' èles è risatchèrîne, parèt-i, branmint pus d' plêji. C' èst bon à sawè, ènn' don? C'ki èst drole là-ddins, c' èst k' c' èst lèszotorités d' l' italike payis k' on payî po k' on situdîye c' cayèt-là d' près èt nin lès fabrikeûs d' boubounes au kakawô. Tot d' minme, ki k'a d' profité au mia d' l' èspéryince ? Lès mougneuses odobin lès... tchôkeus d' avaurlà ?

\*

**C' è-st-à tchère di hôt so s' cou!** Èl Romanêye, is sont 300 Roumins à ièsse, èshène, ritche di 13 miyârs di dolârs. C' ki fait 20 % do P.I.B. (c' ki s' rapwate dsus l' anêye) do payis. Dîre k' i gn' a sakants ans didci on î profitéve d' on bia rêdjime. On pout don todi èspèrer k' ça nos d' ale mia èto.

\*

**Vômi Brotchon** : on pârti kandje si lomâdje, sins vrêmint s' rinètiyî do papin aclapé à s' cou mins tot d' minme aurdant nosse caurlâdje. È l' Italiye, l' clatcheû Bèrlousekonî s' plind èto d' ièsse victime dèl djustisse èt dès djûdjes.

\*

Po l' **Larosse dèl BD**, pus pont d' Bèldjike, di Flande o d' Walonîye. Po s'n' ôteû, nos bindes è imaudjes sont zolandèses odobin françèses. On nos voréve rôyi do payzâdje k' on n' poréve fé mia. Sins co pont d' lache a nosse cô, on nos stronne dèdjà!



**On mwinrneû** di l' oto èt *wardeû* do *cwârp* da Liza Minèli l' a calindjî pace k' èle l' aréve oblidjî, dij ans au lon, à dwârmu avou lèye. È rawète, atanawète, èle lî èto tapéve dissus s' panse. Èle a 58 ans d' âdje, li è nn' a 56 èt avéve peû d' piède si place. Èt dîre k' i dwèt è nn' awè ène boune pougnîye k' arîne stî to prèsse à payî po awè s' place!

\*

**A Niou-York**, ène feume s' a fait sognî trwès ans au long pace k' èle ni poléve pont awè d' èfant. Èle vént d' mète au monde ène djèrmâle. L' comére va viè sès 58 ans, todi djonne fîye!

\*

**Dès frâzes** k' on vwèt voltîye èt k' on vos done come on lès vout comprinde : « On lingâdje ki vos fait rîre s' djoke d' ièsse on lingâdje d' ètrandjîr » (Vassilis Alexakis) « Sins lès mots ki faut, l' ôteû n' pout ièsse k' on mwê sicrîjeû. » (Boileau) « Amon tos lès peûpes, l' lingâdje shût l' môde di vikèrye, i survike o s' distrût come lèye » (Djan-Djâk Rousseau).

\*

**Inmèz bin d' mougû dèl sope** aus nintes mins k' ça vos fait chofèler do vinte èt k' vos è nn' èstèz à tanwète djinné? Pa l' grâce di sakants Françès cacheûs, vos pôlèz asteûre awè totès vos aujes. Is vègnenut d' invanter dès pulules ki vont doner ène odeûr di boune ièbe à vos prautlâdjes. Vos alèz polu l' fé sins pus rodji èt lèyi flêrer autoû d' vos l' sint bon d' l' ièbe di St Djôzèf, di froyon ossi bin ki l' cine di l' atîre.

\*

**È 2003**, c' èstéve à l' pâdje 35, on avéve èdaumé ène istwère è imaudjes po lès èfants èt s' djoker à l' katriyinme paudje. A paurti dèl pâdje ki va shûre on va sayî d' vos fini **lès condjîs da Hûe èt Dia**. Èt voci l' covèrte.

←